



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, LĀ 17 MEI, 2021 HOLA 2:30'au

MA O KA ZOOM: 'AHA KŪKĀ MA KA WIKIŌ

Nā Lālā Komikina i kū mai:

Kalani Ka'anā'anā, Chair	-	Ke'ena Kuleana Ho'okipa o Hawai'i (HTA)
Māpuana de Silva	-	Kaiāulu
Jarrett Keohokālole	-	'Aha Kenekoa o Hawai'i
Jamie Lum	-	Ke'ena Ho'omohala Waiwai a me ka Ho'okipa (DBEDT)
Richard Onishi	-	'Aha Lunamaka'āinana o Hawai'i
Makanani Salā	-	Ke Kūlanakauhale a Kalana o Honolulu
Hinaleimoana Wong-Kalu	-	Ke'ena Kuleana Hawai'i (OHA)

Nā Hoa Kipa:

Jacob Aki	-	Luna Ho'oka'a'ke, 'Aha Kenekoa o Hawai'i
Kiele Amundson	-	Mayor's Office of Culture and the Arts
Mamiko Carroll	-	Kaiāulu
Hailama Farden	-	Kaiāulu
Maka Casson-Fisher	-	Ke'ena Kuleana Ho'okipa o Hawai'i (HTA)
Karen Ewald	-	Ka Hale Hō'ike'ike Hana No'eau o Hawai'i Moku'āina
Ilihia Gionson	-	'Ahahui Ho'okipa 'Ōiwi Hawai'i
Jonathan Johnson	-	Ke Kahua Moku'āina o ka Mo'omeheu a Pāheona (SFCA)
Lynn Martin Graton	-	Kaiāulu
Emalia Keohokālole	-	Kaiāulu
Monte McComber	-	Kaiāulu
Michi Moore	-	Kaiāulu
Aaron Salā	-	Ke Kulanui o Hawai'i/Royal Hawaiian Center
Malia Sanders	-	'Ahahui Ho'okipa 'Ōiwi Hawai'i

Nā Limahana:

Margaret Ahn	-	Loio Kuhina
Marlene Hiraoka	-	DBEDT
Timothy Tiu	-	DBEDT
Scott Tome	-	DBEDT
Selma Malcom	-	

Mo'olelo Hālāwai o ke Kōmike no ka Ho'olaule'a No'eau A Mo'omeheu Pākīpika 13
Pō'akahi, 17 Mei, 2021 hola 2:30'aiu ma o ka ZOOM
'Ao'ao 2 o 6

Nā Mili:

Snowbird Bento

-

Kaiāulu

HO'OMAKA

Ho'omaka ka Luna Ho'omalū 'o Kalani Ka'anā'anā ma ka hola 2:34'aiu ma o ke aloha 'ana aku i ka po'e ma ka ZOOM a Facebook Live.

Noi ka Luna Ho'omalū Ka'anā'anā iā Mr. Keohokālōle e ho'olauna iā Ms. Emalia Keohokālōle a ho'olauna akula 'o ia iā Ms. Keohokālōle, 'o ia ka wahine o ka 'ohana Keohokālōle a nāna nō i mālama i ka wehena.

Mahalo 'o Ms. Keohokālōle i nā Lālā Komikina no ko lākou 'auamo 'ana i nā kuleana o ka Ho'olaule'a. Ho'omau 'o ia i ka ho'olauna 'ana iā ia iho ma o ka hō'ike 'ana aku no ko lākou 'o kona 'ohana hānai 'ia ma ke kai kū'ono o Kāne'ohe, a he kahakai one 'ele'ele ho'i kona ma mua, 'o Nāoneala'a ho'i. 'O ia 'āina nei ke kuleana o ke ali'i nona ka inoa 'o La'amaikahiki i noho ma laila ma ke kenekulia 13. Ma ka makahiki 1737 ua lōkahi lākou me ka maluhia, 'o La'amaikahiki ho'i a me nā ali'i 'ē a'e o nā 'āina e puni ana ia wahi ma Nāoneala'a i mea e la'a ai kēia wahi. Ua nui ka hau'oli o lākou a pau ma ia wā. 'O ia kahi a Ms. Keohokālōle i hānai 'ia ai a 'o ia kahi i 'ohi pū 'ia ai ka limu 'ele'ele, nā 'ano i'a like 'ole, a me nā mea 'ai like 'ole 'ē a'e. I mea e ho'ohanohano i ia wahi la'a nei, nā ali'i o ia 'āina, a me kā lākou 'ae like maluhia, ua haku ka 'ohana Keohokālōle i mele. A ua oli aku nō 'o Ms. Keohokālōle i ua mele nei.

Nui ko ka Luna Ho'omalū Ka'anā'anā mahalo iā Ms. Keohokālōle a pēia pū me nā Lālā Komikina 'ē a'e. Hō'ike pū 'o Ms. Salā i ke kūpono o kona mo'olelo 'ana mai i ia mo'olelo nei 'oiai e kono 'ia ana ka po'e a pine ka Pākīpika i Hawai'i no ka Ho'olaule'a.

'OLELO HO'IKE A KA LEHULEHU

Wehe ka Luna Ho'omalū Ka'anā'anā i ka papahana i ka lehulehu e ho'opuka mana'o no ka papa manawa o kēia hālāwai. 'Oiai 'a'ohe mea i ho'opuka 'ia, ua ho'oholomua 'o ia i ka hālāwai.

'ĀPONO I KA MO'O'OLELO HĀLĀWAI 3 MEI 2021

Ua ka'aka'ahiki a nā'ana 'ia ka mo'olelo hālāwai aku nei e nā Lālā Komikina. Noi ka Luna Ho'omalū Ka'anā'anā e 'āpono 'ia ua mo'olelo hālāwai me e like me ka mea i ho'opa'a mua 'ia, 'a'ohe loli. 'Ae 'ia e nā Lālā Komikina 'o Lum me de Silva a noi ihola lāua e 'āpono kūhelu 'ia ma o ke koho pālōka e ka Luna Ho'omalū Ka'anā'anā, Ms. de Silva, Ms. Lum, Ms. Wong-Kalu, Ms. Salā, Mr. Keohokālōle, me Mr. Onishi. Ua lōkahi ko lākou 'āpono 'ana.

HĀPAI A KOHO I KA HOPE LUNA HO'OMALU O KE KŌMIKINA

Hō'ike ka Luna Ho'omalū Ka'anā'anā no ko lākou hāpai a kūkā 'ana i ke kumuhana 'o ka Hope Luna Ho'omalū ma ka hālāwai aku nei a ho'okahi wale nō inoa i hāpai 'ia no ua kūlana nei, 'o Ms. Salā nō ho'i. Eia na'e, ua makemake ka Luna Ho'omalū Ka'anā'anā e wehe i ka papa manawa no ko lākou kūkā hou 'ana ma kēia hālāwai inā he mau mana'o hou aku paha ko kekahi. 'Oiai 'a'ohe, ho'oholomua 'o Ms. Lum i ka wā hō'ike mana'o a hāpai inoa a kāko'o akula 'o Mr. Onishi a komo ihola lākou i ke koho pālōka kūhelu e pani ai kēia wā hāpai inoa. 'Āpono ho'i ka

Luna Ho'omalū Ka'anā'anā, Ms. de Silva, Ms. Lum, Ms. Wong-Kalu, Ms. Salā, Mr. Keohokālōle, a me Mr. Onishi.

I loa nō a pani 'ia ka wā hāpai inoa, oi 'o Mr. Onishi e 'āpono 'ia 'o Ms. Salā 'o ia ka Hope Luna Ho'omalū o ke Kōmikina a kāko'o 'o Ms. de Silva. 'Āpono 'ia kēia kūlana ma o ke koho pālōka e ka Luna Ho'omalū Ka'anā'anā, Ms. Salā, Ms. Wong-Kalu, Ms. de Silva, Ms. Lum, Mr. Keohokālōle, me Mr. Onishi. Ua lōkahi ko lākou 'āpono 'ana a noi ka Luna Ho'omalū Ka'anā'anā iā Ms. Salā inā he mau mana'o kona. Mahalo 'o Ms. Salā i nā Lālā Komikina no ke koho 'ana iā ia e kū i kēia kūlana a no ko lākou kauka'i 'ana ma luna ona. Nui kona mākaukau a mana'olana no ka 'auamo 'ana i kēia kuleana.

KŪKĀKŪKĀ NO KE KOHO I PO'O HO'OLAULE'A A MEA HO'OHANO HANO

I pili ho'i i ke Po'o Ho'olaule'a a Ho'ohanohano ho'i, ua ho'omaopopo ka Luna Ho'omalū Ka'anā'anā i nā Lālā Komikina no ko lākou kuleana - e no'ono'o i nā inoa e hāpai ai no ia kūlana nei ma ia hālāwai. Aia nō a loa'a nā inoa a pau i ka Luna Ho'omalū Ka'anā'anā, a laila e kelepona 'o ia i nā moho a pau e hō'oia i ko lākou hoihoi. Nui kona mana'olana e pa'a ia kūlana nei ma ka Hālāwai Hapahā ma ka lohi loa.

He kūpono paha ke koho 'ana i ke Po'o ma mua o ka Luna a Mea Ho'ohanohano no ka Ho'olaule'a, wahi a Ms. de Silva. Makemake pū 'o ia e kāko'o kēia mau kūlana kekahi i kekahi, a e 'imi 'ia ke kaulike ma o ke koho 'ana i kahi kāne a wahine. Ua wala'au aku nei 'o ia me Mr. Kīhei de Silva a like ko lāua mana'o - e koho mua i ke Po'o a laila ho'i, ka Mea Ho'ohanohano. Eia na'e, e hana 'o ia e like me ka mea i makemake 'ia e ke Komikina.

Kāko'o 'o Ms. Wong-Kalu i ko Ms. de Silva mau mana'o a ho'omau akula 'o ia me ka mana'o mea nui ka hiki i ke Po'o ke komo i ka hana a ho'okō. 'O ka Luna a Mea Ho'ohanohano, 'o ia ka mea e kū 'elele no ka Ho'olaule'a a no ke kaiāulu a po'e Hawai'i. Like kona mana'o me Ms. de Silva no ka pono e hana like ia mau kānaka nei ma ko lāua mau kūlana 'oko'a, keu ho'i ma ka 'ike le'a 'ana i ka pahuhopu o nā kumuhana nui, a ma ka 'ao'ao kuana'ike a me ko lāua 'imi 'ana e ho'okō e like me ka mea pono.

Kāko'o ka Luna Ho'omalū Ka'anā'anā i nā mana'o a pau i hāpai 'ia a paipai 'o ia i nā Lālā Komikina e hāpai mana'o - me ka mana'o e ho'opane'e i ko lākou ho'oholo 'ana i kekahi hālāwai, 'oiai 'a'ole lākou mākaukau e kūka no ke Po'o ma ia hālāwai nei. Noi 'o ia i nā Lālā Komikina e no'ono'o i nā kānaka i kūpono no ia mau kūlana nei i hiki iā lākou ke kūka ma ka Hālāwai Komikina Hapahā.

Hāpai 'o Ms. Wong-Kalu i ka mana'o e ho'omākaukau 'ia ka papa manawa o kēlā me kēia hālāwai ma kekahi 'ano kūhelu i hiki i nā Lālā Komikina ke kūka i nā kumuhana kiko'i e like me ka mea pono. E nānā hou ana ka Luna Ho'omalū Ka'anā'anā i ke 'ano i kūkulu mua 'ia ka papa manawa a me kona mau kumuhana i hiki ai iā ia ke ho'onohonoho hou, me ke kōkua 'o Ms. Ahn, i hiki iā lākou ke holomua ma ke 'ano i kūpono ai ko lākou kūka 'ana. Eia hou, inā nō pūlima 'ia ke kānāwai e ke Kia'āina Ige a ho'olō'ihī hou 'ia ke kū 'ana mai o ia Komikina nei, e 'oi aku ana nō ka lumi e kūka e pili ana i nā kumuhana ma waho o nā hālāwai Komikina kekahi, inā nō kūka hou 'ia ma ua mau hālāwai Komikina nei ma hope pono mai.

KŪKĀKŪKĀ A HO'OHOLO NO KA HO'OKULEANA I KA HO'OULU KĀLĀ I KA LUNA HO'OMALU A I 'OLE KĀNA MEA I HO'OKULEANA 'IA

Hō'ike ka Luna Ho'omalua Ka'anā'anā i ka hāpai 'ia o kēia kumuhana ma ka hālāwai aku nei iā lākou e kūkā ana i ke noi kālā maiā ANA a me nā 'oihana 'ē a'e. I 'ike ka po'e, ua noi 'o ia i nā Lālā Komikina e kū 'o ia, 'o ia ka mea nāna e 'āpono a pūlima i nā palapala noi me ka mana'o e kāko'o piha ke Komikina iā ia.

Noi 'o Ms. Lum i ka 'āpono kūhelu 'ia ko ka Luna Ho'omalua a i 'ole paha kāna 'elele e noi kālā a ho'opa'a i nā mea kāko'o. Kāko'o 'ia na Mr. Keohokālole.

Nīnau akula 'o Mr. Onishi inā ua hopohopo paha ko ke ke'ena AG no ia 'ano ho'oholo 'ana, keu ho'i inā e pono ana lākou e koho a 'āpono kūhelu i kahi 'elele no ia kuleana nei. Hō'ike 'o Ms. Ahn no ko ke Komikina mana ma luna o ia ho'oholo 'ana a nīnau akula 'o ia i ka Luna Ho'omalua Ka'anā'anā inā ua no'ono'o 'o ia i kekahi e kū mai i ia kūlana 'elele nei. Hāpai a'ela 'o ia i ka RFI a me ke 'ano e ho'omākaukau 'ia ke kāmua o ia palapala nei e ka limahana 'oiāi 'a'ole makemake 'o ia e lohi ka hana. Inā ua hiki iā ia ke ho'okuleana aku a ho'oka'awale i nā kuleana e ho'okō, he kōkua nui. Eia na'e, nona ke kuleana e maka'ala pono.

'A'ohe hō'ole ko Mr. Onishi i ko ka Luna Ho'omalua maka'ala 'ana i ia hana nei inā nō 'o ia pūlima ma ka 'ao'ao o ke Komikina holo'oko'a, 'oiāi 'a'ole 'o ia 'olu'olu i ka mana'o e pūlima 'ia ia mau palapala noi kālā e kāna 'elele. Eia na'e, inā palapala kūhelu 'ia ma ka palapala noi kālā kēia 'elele nei ma ke 'ano he kanaka kūhelu o ka 'aelike, ua hiki nō iā ia ke pūlima e like me ka mea i palapala 'ia ma ia 'aelike nei. Noi ka Luna Ho'omalua Ka'anā'anā iā Ms. Lum inā ua hiki iā ia ke holoi i ka 'ōlelo "designee" mai kona mea i palapala mua 'ia iā lākou i ho'oholomua a 'āpono aku i ia kūlana nei. Ho'oponopoo akula 'o Ms. Lum a hō'oiā 'o ia i kāna hana 'ana pēlā a kāko'o akula 'o Mr. Keohokālole i ia loli nei.

Mālama 'ia kekahi koho pāloka no ka 'āpono 'ana i ke kū 'ana mai o ka Luna Ho'omalua Ka'anā'anā 'o ia ka mea nona ke kuleana e pūlima i nā palapala noi kālā. Kāko'o a 'āpono 'ia e ka Luna Ho'omalua Ka'anā'anā nō, Ms. de Silva, Ms. Lum, Ms. Wong-Kalu, Ms. Salā, Mr. Keohokālole, a me Mr. Onishi. Lōkahi ko lākou 'āpono 'ana.

KŪKĀKŪKĀ A HO'OLOLI I KA MO'OHĒLU HO'OLAULE'A

A holomua akula lākou i mua i kahi kumuhana ma ka papa manawa o ka hālāwai. Hō'ike ka Luna Ho'omalua Ka'anā'anā i ka loa'a 'ole o nā limahana i nā noi e ho'oponopono i ke kāmua o ka mo'ohelu kālā i ho'omākaukau mua a ka'ana 'ia ma kēlā hālāwai aku nei. No laila, nīnau akula 'o ia inā ua pono hou ka manawa i nā Lālā Komikina no ka no'ono'o hou a hāpai mana'o.

Hāpai a'ela 'o Ms. Salā no kekahi māhele kiko'i o ka mo'ohelu kālā, 'o ia ho'i no ka 'ao'ao palekana a maka'ala 'ana i ka po'e ma kahi e mālama 'ia ai nā hanana - he pono ko lākou ho'oholo mua 'ana inā he wahi ma waho a i 'ole paha ma loko o ka hale no ke Kūlanakauhale o ka Ho'olaule'a. Ua kūpono nō paha 'a'ole paha ia huina kālā nei.

Makemake ka Luna Ho'omalua Ka'anā'anā e 'olu'olu ke Komikina i ka mo'ohelu kālā honua, eia na'e 'ike 'o ia e loli ana paha ma ka ho'oholomua 'ana i ka ho'olālā 'ana. Kū ai 'o Ms. Lum ma ka 'ao'ao o DBEDT a ho'omaopopo akula 'o ia i po'e no ko lākou ho'i hou 'ana a nānā i ka

mo'ohelu kālā a no'ono'o i nā 'ano kūpono e ho'ololi paha i nā heluna i pili ho'i i ka pō'aiapili a e hō'ike 'o ia i ko lākou mana'o i ke Komikina ma kahi hālāwai, 'oiai no lākou ia kuleana 'o ke kuhina waiwai. 'Ike 'o Mr. Onishi i ke 'ano nōhie o ia mo'ohelu kālā nei 'oiai he ho'omaka wale nō ia. A ma muli o kēlā, 'ike 'o ia e loli ana paha kekahi ma ka holo 'ana o ka manawa a ho'oholomua 'ana i ka ho'olālā 'ana. Hō'ike 'o ia i ke ko'iko'i o ka ho'omākaukau 'ana i ke 'ano e ho'olako 'ia ke kālā. 'O kekahi mana'o i hāpai mua 'ia no ka Ho'olaule'a 2020, 'o ia ho'i kekahi ho'oulu kālā 'oihana, eia na'e ua hō'ike nā 'oihana i ka lawa 'ole o ka manawa e ho'oulu i ke kālā i pono ai. He wā kūpono nō paha kēia e ho'i hou i ia mana'o a i 'ole paha e kāhea i ia mau 'oihana nei a noi i ko lākou mau mana'o no ko lākou pahuhopu kālā, apwa. Pono na'e lākou e ho'oholo inā ua hiki 'oia'i'o nō iā lākou ke ho'oulu i ka heluna kālā a lākou e makemake ana. Hō'ike ka Luna Ho'omalua Ka'anā'anā i ko lāua 'o Ms. Lum ho'omākaukau 'ana i kāmua RFI no ke noi kālā 'ana.

KŪKĀKŪKĀ NO KA HOLOMUA O NĀ LALO KŌMIKE ME NĀ PALAPALA KAHUA HO'OLAULE'A

Hō'ike pū ka Luna Ho'omalua Ka'anā'anā i ka loa'a o nā palapala kahua ho'olaulea iā ia - kekahi mai ka Hale Ali'i 'Iolani a kekahi aku mai ka Hale Hālāwai 'o Hawai'i. Noi 'o ia iā Mr. Tome e ho'ouna aku i ia mau palapala nei i nā Lālā Komikina. Noi ka Lua Ho'omalua Ka'anā'anā i nā Lālā Komikina e hāpai mana'o, keu ho'i no nā mea a lākou e hopohopo ana, 'oiai 'o kēia ka manawa kūpono e hāpai ai i ia mau nīnūnē.

Hō'ike 'o Ms. Salā i ka loa'a o nā palapala i ke Kūlanakauhale a Kalana o Honolulu, eia na'e, 'a'ole lākou i ho'ouna i nā palapala i ho'opihapiha pono 'ia i ke ke'ena. Eia na'e, ua hō'ike nā ke'ena i ka hopohopo no ka lō'ihī o ka ho'opa'a 'ia o nā kahua - e la'a ho'i me kekahi mai Iune 1 a i Iune 17, 2024, keu ho'i no 'Āina Moana a me ka Pāka 'o Ala Moana. Ho'omaopopo pū 'o Ms. Lum no ka pono e ho'omaopopo 'ia nā papa kaiāulu e nā ke'ena ma mua o ke ka'aka'ahi 'ana aku i nā palapala 'ae. E 'ike 'ia ana nō nā pilikia me ke noi 'ana i ka 'āpono 'ia o ka wā a lākou e no'ono'o ana. Inā he noi ia no ho'okahi hanana, 'oi aku paha ana ka ma'alaha i ka 'āpono 'ana. Hō'ike pū 'o ia i ka hō'emī 'ia o ka wahi ho'okū ka'a ma 'Āina Moana. Hō'ike 'o Ms. Salā i kona pono e ho'omaopopo mua i nā ke'ena no ia mau noi. 'O kekahi mea e no'ono'o ai, 'o ia ho'i nā wahi e mālama palekana ai i ka 'ukana e kūkulu a waiho 'ia ma ia mau kahua nei.

Hō'ike 'o Ms. de Silva i ke 'ano o ka lawe 'ana o ka po'e i ko lākou 'ukana me lākou ma ka ha'alele 'ana i ka hanana, 'o ia kāna i 'ike ai ma nā Ho'olaule'a o mua. Hō'ike pū 'o ia no ka makemake o nā kānaka no'eau Hawai'i a me nā kānaka no'eau o nā 'āina 'ē a'e e lawe i kā lākou mau mea ma ka pau 'ana o ka hanana ma mua o ka waiho 'ana ma ke kahua. 'O ko lākou kuleana kēia - 'a'ole e waiho i kā lākou mau mea iā lākou e ne'e ana mai kahi kahua a i kekahi.

Hō'ike ka Luna Ho'omalua Ka'anā'anā no ke kumuhana 'o ka hālāwai o ka lā 7 o Iune, 2021 'o ia ho'i ka Hālāwai Ho'olālā Hapahā. No laila, nīnau 'o ia inā ua lawa anei ka manawa no ka ho'oholo 'ana i nā kahua ma ia hālāwai nei. I ko Ms. Salā mana'o, ua kūpono ko lākou komo hohonu hou aku i kēia kumuhana ma ia hālāwai nei, keu ho'i ma ka 'ao'ao lāli'i. Hō'ike ka Luna Ho'omalua Ka'anā'anā iā ho'ouna hou 'ia nā palapala ma mua o ia hālāwai nei ma ka lā 7 o Iune, he maika'i inā hiki i ke Komikina ke koho pāloka a ho'oholo i nā kahua ma ia hālāwai nei. Hopohopo 'o ia i ka lawa o ka manawa e kūkā me ke kaiāulu ma kahi kokoke i ia mau kahua nei

'oiai makemake 'o ia e noi ma ke 'ano kūpono a 'ae i ka po'e e hāpai mana'o no ko lākou pono. Ka'ana aku ka Luna Ho'omalū Ka'anā'anā i ka loulou no ko ka Hale Hālāwai 'o Hawai'i kahuapa'a: www.meethawaii.com no ka po'e e pono ana e ho'ohana i kahi lumi ma ia hale hālāwai nei. Noi 'o ia i nā Lālā Komikina e kele aku ma ua kahuapa'a nei e 'ike i ka nui kākāka i hiki ke komo i kēlā me kēia lumi a e nānā pū i nā lāli'i 'ē a'e e pono ai ko lākou ho'opihapiha pono 'ana i nā palapala. E ho'ouna 'o Mr. Tome i ka loulou a me nā palapala kahua i ho'opihapiha pono 'ia ma ka manawa like.

HO'OLĀLĀ I KA HĀLĀWAI HAPAHĀ 7 IUNE 2021

No kekahi hālāwai, makemake ka Luna Ho'omalū Ka'anā'anā e kūkā 'ia nā kahua, ka mo'ohelu kālā, ke noi kālā a me nā 'ano ho'oulu kālā like 'ole 'ē a'e, a me ke koho 'ia o Po'o a me ka Luna a Mea Ho'ohanohano no ka Ho'olaule'a. Makemake pū 'o ia e nānā i ka Papa Hana 2021 a e ho'oholo i nā kuleana a pahuhopu, a me nā lalo kōmike; ka hana e pono e hana 'ia, ka hana e koe nei, a me nā mea 'ē a'e e pono e ho'okomo 'ia ma ka papa hana. Hāpai hou 'o Ms. Wong-Kalu i ka mana'o e ho'olaulā i ka 'ōlelo ma ka papa manawa hālāwai i hiki i ke Komikina ke hālāwai e like me ka mea pono me ka nalo 'ole o ka mana'o nui i ke kaiulu. E kōkua ana 'o Ms. Ahn i ka Luna Ho'omalū Ka'anā'anā ma ka ho'ololi 'ana i kēia 'ōlelo.

Hō'ike 'o Ms. de Silva i kona makemake e hui kino ke Komikina i kekahi lā. Pane akula ka Luna Ho'omalū Ka'anā'anā me ka mana'o ua hiki nō ke mālama 'ia nā hālāwai hui kino ma ka Hale Hālāwai 'o Hawai'i a ua hiki nō ke ho'omākaukau 'ia no ka po'e e komo ana ma o ka Zoom a Facebook Live kekahi. Nīnau 'o ia iā Ms. Ahn inā ua hiki nō ke mālama 'ia nā 'ano 'elua. Hō'ike 'o Ms. Ahn iā ia i ka loa'a o ke kākāwai i ho'ouna 'ia i ke Kia'āina Ige e pūlima a e hō'ike hou 'o ia i ka Luna Ho'omalū Ka'anā'anā i ka 'ōlelo ma ia kākāwai nei ke hō'oia 'o ia. Hāpai pū 'o Mr. Keohokālole i ka mana'o e mālama i nā hālāwai ma ka Hale 'Aha'ōlelo kekahi, 'oiai ua hiki ke mālama 'ia nā 'ano 'elua kekahi. 'Oiai pani ka Hale 'Aha 'ōlelo i kēia manawa, e wehe hou 'ia ana paha ka hale ma ka hapahā 'ekolu a 'ehā.

'ŌLELO HO'IKE A KA LEHULEHU

Wehe ka Luna Ho'omalū Ka'anā'anā i ka hālāwai i ka lehulehu e hāpai mana'o. 'Oiai 'a'ohe mea i ho'opuka 'ia, ho'opa'a 'ana i kekahi hālāwai.


HA HO'OPA'A HĀLĀWAI – PŌ'AKAHI, 7 IUNE 2021

Ho'opa'a ka Luna Ho'omalū Ka'anā'anā i kahi hālāwai, ka Hālāwai Ho'olālā Hapahā ho'i, ma ka lā 7 o Iune, 2021 mai ka hola 2:30'aiu a i ka hola 5:00 o ke ahiahi.

HO'OKU'U

Ho'oku'u 'o Luna Ho'omalū Ka'anā'anā i ka hālāwai ma ka hola 3:25'aiu.

Me ke aloha e waiho 'ia nei,



Kalani Ka'anā'anā
Luna Ho'omalū

05/19/21

Lā